

H

1614

LETTRES
DV ROY,

(92)

3013

AVEC L'ORDON-
NANCE DV DICT SEIGNEVR,
portant deffences de leuer n'y assem-
bler aucunes troupes, sans commis-
sion & expres commandement de sa
Majesté.

S

AVEC L'ARREST DE LA COUR
en consequence d'icelles.

Iouste la copie imprimée à Rennes,



A PARIS,

Chez MELCHIOR MONDIERE, rue S. Iacques
aux deux Coquets.

M. DC. XIV.

AVEC PERMISSION.

8 pp.
Cout.
974

Acc. 83-101 (92)

AVENUE LONDON

APR 13

Chelmsford, Essex, England



LETTRES DV ROY.

*Auec l'Ordonnance dudit Seigneur,
portant deffences de leuer, ny assem-
bler aucunes troupes, sans commis-
sion, & expreZ commandement de
sa Majesté.*



Os Amez & feaux, l'obeis-
sance que vousauez renduë
à tous les commandements
que vousauez receuz de no-
stre part, faict que d'autant
plus volontiers nous vous en adressons
d'autres, que nous nous asseurons qu'ils
seront suyuis du mesme deuoir, & que l'e-
xecution en succedera au bien de nostre
seruice, & à l'vtilité de nos subjects. C'est
pourquoy ayans iugé necessaire sur les
occasions presentes, & sur lesquelles
nous auons fait sçauoir nos intentions &
volontez, à nostre Cousin le Comte de
Vertuz, & luy auons donné charge de
vous en informer, de pouruoir qu'aucu-
nes troupes ne se leuent, ny s'assemblēt,

sans nostre commission & commandement exprés, & mesmela compagnie de nostre frere naturel, le Duc de Vendosme. Nous vous auons voulu mander par la presente, d'en faire les deffences, comme vous auez desia bien faict par vostre Arrest, du trentiesme du mois passé, & spécialement à ceux de ladicte compagnie de monter à cheual & s'assembler souz l'enseigne de nostre dit frere naturel, à peine d'estre criminels de leze Majesté ny faictes donque faute. Cartel est nostre plaisir. Dōné à Paris, le douziesme Mars, mil six cens quatorze.

Signé

LOVYS.

Et plus bas, POTIER.

Et en la subscription est escrit, à nos Amex & Feaux Conseillers les gens tenans nostre Cour de Parlement de Rennes.

DE PAR LE ROY.

DEffences tres-expresses sont faites à tous les sujets de sa Majesté, de quelque estat qualité & cōditiō qu'ils soyēt de leuer ou assembler aucuns gens de guerre, de pied ou de cheual, & de tenir la campagne, sans auoir pour ce faire, cōmission expresse de sadiçte Majesté. Et de mesme est deffendu à tous lesdits sujets prendre & receuoir, paye & appointement, s'enroller ou autrement, s'engager, obliger, ou entreprendre de porter les armes, pour autres personnes quelcōques que pour sadiçte Majesté, & le seruiced'icelle, & ce souz la charge & conduicte de ceux-là seuls qui auront lesdites commissions, ou autre legitime pouuoir & charge expresse d'icelle. Et est enjoinct tres-expressement à tous Preuosts des Mareschaux, où leurs Lieutenans, s'opposer ausdites leuees & assemblees, informer, decreter & proceder contre ceux qu'ils sçauront auoir attenté contre les presentes deffences, & ce par la voye & rigueur des Ordonnances, comme cōtre criminels de leze Majesté, & pertur-

bateurs du repos public. Et en cas qu'il leur soit faict resitance & rebellion, leur est permis courir sus aux contreuenans. & les tailler en pieces. Et à mesme fin selon la necessité & le besoing qu'ils auront de plus grandes forces que de leurs compagnies pour empescher lesdites leuees & assemblees, & faire obeir aux susdictes deffences. Sadite Majesté leur a aussi permis & permet d'assembler les communes & s'ayder & preualloir de leurs secours & assistance à ce que les volonteiz & commandemens susdicts soyent executez comme il appartient & que le bien de son seruice, & la tranquillité & seureté publique le requierent, & à ce que personne n'en pretende cause d'ignorance. Ordone sadite Majesté aux Gouverneurs & Lieutenans Generaux au Gouvernement des Prouinces, comme generale-ment à tous ses Officiers qu'il appartiendra chascun endroit soy, faire publier & & tres-estroitement garder & obseruer la presente ordonnance par toute l'estenduë de leurs charges & s'employer eux-mesmes de tout leur pouuoir, & avec ce qu'ils auront de forces, pour l'execution entiere dicelle. Faict à Paris, la Royne

Regente Mere du Roy presente, le 5. iour
de Mars, mil six cens quatorze.

Signé

POTIER.


Extrait des Registres de Parlement.

VEu par la Cour, Chambres assem-
blees, les lettres du Roy du xij. de
cemoys, Signées, LOVYs, & plus bas,
POTIER, & seellées & l'Ordonnance
dudit Seigneur du v. dudit moys, signee
POTIER. Conclusions du Procureur
General du Roy, ladite Cour a ordonné,
& ordonne que lesdites Lettres & Or-
donnances seront leuës, publiees & en-
uoyees aux Sieges Presidiaux & Royaux,
de ce ressort, pour y estre pareillement
leuës & publiees & en cōsequēce d'icelles,
& des precedēts Arrests, à fait inhibitiōs,
& deffences à toutes personnes, s'assembler
en armes, sans Commission du Roy, &
mesmes à ceux de la Compagnie du Sei-
gneur Duc de Vandomme, s'assembler
sous l'enseigne dudit Duc, sur peine d'e-
stre declarez criminels de leze Majesté,
Enjoint à tous Seigneurs, Gentil-hom-

mes, & autres sujets du Roy de se rendre
promptement près les Lieutenants du
Roy en ceste Prouince en armes & equi-
page pour seruir le Roy souz leurs com-
mandemens. Faict en Parlement à Ren-
nes, le dix-septiesme iour de Mars, mil six
cens quatorze.

Signé,

COVRIOL.



Digitized by the Internet Archive
in 2010 with funding from
University of Ottawa

